

海王邨古籍叢刊

法苑珠林

中國書店

海王邨古籍丛刊

法苑珠林

下

中國書局

法苑珠林卷第四十八

唐 西明寺沙門釋道世撰

誠勗篇第四十八

此有六部

述意部

誠馬部

誠學部

誠盜部

誠罪部

雜誠部

述意部第一

夫以立像表真恒俗彝訓寄指筌月出道常規但以妄想倒情涇流固習無思慢革隨業飄淪是以涅槃經云爲善清升譬同爪上爲惡沈滯喻等地塵良由六賊俱至十使交縛或比行廁畫瓶或擬危城坏器

法苑珠林卷四十八

故將崩朽宅三火恒然逃隱空聚五刀常逐井河引入脂角至窮何趣況復五濁交橫四山常逼而能安忍不生憂悔所以大聖垂訓法喻所歸止在誠約身心無恣逸鑿舉力勵專征省過但見臨死眼光失落眷屬叢聚對顏難救嗚呼涕泗慨彼沈淪既矚斯苦何不自誠過由我生改不藉他猶有微善宅報在人又逢遺法親見三寶脫生惡道對目莫知由此悲痛無由怠惰矣

誠馬部第二

如中阿含經云時有調馬師名曰只尸來詣佛所稽首佛足退坐一面白佛言世尊我觀世閒甚爲輕淺猶如羣羊世閒唯我堪能調馬狂逸惡馬我作方便須臾令彼態病悉現隨其態病方便調伏佛告調馬師聚落主汝以幾種方便調伏於馬馬師白佛言有三種法調伏惡馬何等爲三一者柔輒二者麤澀三者柔輒麤澀佛告聚落主汝以三種方便調馬猶不調者當如之何馬師白佛遂不調者便當殺之所以者何莫令辱我調馬師白佛言世尊是無上調御丈夫爲以幾種方便調御丈夫佛告聚落主我亦以三

法苑珠林卷四十八

一一一

種方便調御丈夫何等爲三一者一向柔輒二者一向麤澀三者柔輒麤澀佛告聚落主所謂一向柔輒者如汝所說此是身善行此是身善行報此是口意善行此是口意善行報是名天是名人是名善趣化生是名涅槃是爲柔輒第二一向麤澀者如汝所說是身惡行是身惡行報是口意惡行是口意惡行報是名地獄是名畜生是名餓鬼是名惡趣是名墮惡趣是名如來麤澀教也第三彼柔輒麤澀俱者謂如來有時說身善行有時說身善行報有時說口意善行有時說口意善行報有時說身惡行有時說身惡

行報有時說口意惡行有時說口意惡行報如是名
天如是名人如是名善趣如是名涅槃如是名地獄
如是名畜生餓鬼如是名惡趣如是名墮惡趣是名
如來柔懷靡澀教調馬師白佛言世尊若以三種方
便調伏眾生有不調者當如之何佛告聚落主亦當
殺之所以者何莫令辱我調馬師白佛言若殺生者
於世尊法為不清淨世尊法中示不殺生而今言殺
其義云何佛告聚落主如來法中示不殺生然如來
法中以三種教授不調伏者不復與語不教不誠豈
非死耶調馬師白佛實爾世尊不復與語永不教誠

法苑珠林卷四十八

三

真為死也以是之故我從今日離諸惡不善業也聞
佛所說歡喜而去又法句喻經云佛問象師調象之
法有幾答曰有三何謂為三一者剛鈞鈞口著其鞞
鞞二者減食常令飢瘦三者捶杖加其楚痛由鐵鈞
鈞口故以制強口由不與食飲故以制身羸由加捶
杖故以伏其心佛告居士吾亦有三用調一切亦以
自調得至無為一者以至誠故制御口愚二者以慈
貞故伏身剛強三者以智慧故滅意癡蓋持是三事
度脫一切離三惡道

誠學部第三

如增一阿舍經云一傷之中便出生三十七品及諸
法義迦葉問言何等是時尊者阿難便說此偈
諸惡莫作 眾善奉行 自淨其意 是諸佛教
所以然者諸惡莫作戒具之禁清白之行眾善奉行
心意清淨自淨其意除邪顛倒是諸佛教去愚惑想
云何迦葉戒清淨者意豈不淨乎清淨者則不顛倒
以無顛倒愚惑想滅諸三十七道品果便成就以成
道果豈非諸法乎

誠盜部第四

如雜阿舍經云時有異比丘在拘薩羅國人間止一

法苑珠林卷四十八

四

林中時彼比丘有眼患受師教云應嗅鉢曇摩華時
彼比丘受師教已往至鉢曇摩池側於池岸邊迎風
而坐隨風嗅香時有天神主此池者語比丘言何以
盜華汝今便是盜香賊也爾時比丘說偈答言

不壞亦不奪 遠住隨嗅香 汝今何故言

我是盜香賊

爾時天神復說偈言

不求而不捨 世閒名為賊 汝今人不與

而自一向取 是則名世閒 眞實盜香賊

時有一士夫取彼藕根重負而去爾時比丘為彼天

神而說傷言

如今彼士夫 斷截分陀利 拔根重負去

便是姦姣人 汝今故不避 而言我盜香

時彼天神說傷答言

狂亂姦姣人 猶如乳母衣 何足加其言

且堪與汝語 袈裟汗不現 黑衣黑不汗

姦姣凶惡人 世間不與語 蠅脚汗素帛

明者小過現 如墨點珂貝 雖小悉皆現

時彼比丘復說傷言

善哉善哉說 以義安慰我 汝可常爲我

法苑珠林卷四十八

五

數數說斯傷

時彼天神復說傷言

我非汝買奴 亦非人與汝 何爲常隨汝

數數相告語 汝今當自知 彼彼饒益事

誠罪部第五

如閻羅王五天使者經云佛告諸比丘人生世間不

孝父母不敬沙門不行仁義不學經戒不畏後世者

其人身死當墮地獄土者持行白閻羅王言其過惡

此人不孝等種種諸過無有福德不恐畏死唯王處

罰閻羅王常先安德以忠正語爲現五使者而問言

第一汝不見世人始爲嬰兒強臥屎尿不能自護口

不知言不知好惡汝見以不人答已見王言汝自謂

不如是然人神從行終卽有生雖尚未見常常爲善

自端三業奈何放心快志造過人答愚暗不知王言

汝自愚癡縱意作惡非是父母師長君天沙門道人

等過也罪自由汝豈得不樂今當受之是爲閻王現

第一天使也第二閻王復問子爲人時天使次到汝

能覺不人答不覺王曰汝不見世人年老髮白齒墮

羸瘦步履低行起居任杖不人答有是王曰汝謂獨

免可得不老凡人已生法皆老耄常常當爲善端身口

法苑珠林卷四十八

六

心奉行經戒奈何自恣人答愚癡故爾王曰汝自以

愚癡作惡非是父母君天沙門道人過也罪自由汝

豈得不樂今當受之是爲閻王現第二天使也第三

閻王復問子爲人時豈不見世間男女身有疾病身

體苦痛坐起不安命近憂促眾醫不療不人答言有

王曰汝可得病耶人生既老法皆當病聞身強健

當勉爲善奉行經戒端身口意奈何自恣人答愚暗

故爾王曰汝自以爲愚作惡非關父母君天沙門道

人過也罪自由汝豈得不樂今當受之是爲閻王現

第三天使也第四閻王復問子爲人時豈不見世間

諸死亡者或藏其屍或棄捐之至於七日肌肉壞敗
 狐狸百鳥皆就食之凡人已死身惡腐爛汝豈不見
 人荅言有王曰汝謂獨免可得不死耶凡人已生法
 皆當死聞在世間常為善事救身口意奉行經戒奈
 何自恣人荅愚暗故爾王曰汝自作惡非是父母君
 天沙門道人過也罪自由汝豈得不樂今當受之是
 為閻王現第四天使也第五閻王復問子為人時不
 見世間弊人惡子為吏所捕取案罪所刑法加之或
 斷手足或削耳鼻或燒其形懸頭日炙或屠割支解
 種種毒痛不人荅言有王曰汝謂為惡獨可解耶眼

法苑珠林卷四十八

七

見世間罪福分明何不善救身口意奉行經戒云
 何自快人若愚暗故爾王曰汝自用心作不忠正非
 是父母君天沙門道人過也今是殃罪要當自受是
 為閻王現第五天使也佛說經已諸弟子等皆受教
 誠各前作禮歡喜奉行

雜誠部第六

大法句經偈云總上
一誠一誠信

士有信行為聖所崇樂無為者一切縛解
 比方世利惠信為明是財上寶家產非常

欲見諸真樂聽講法能捨慳妬此之謂信
 無信不習好剗正言如掘取水掘泉揚泥
 賢夫習智樂仰清流如善取水要令不擾
 信不染他莫如斯載如大象調自調最勝
 信財戒財慚愧亦財聞財施財惠為七財
 生有此財不問男女終以不貪賢者識真

一誠死

法苑珠林卷四十八

八

所以非常謂興衰法夫生輒死此滅為樂
 如何駛流往而不返人命如是逝者不還
 生者日夜命自刀削壽之消盡如榮筍水

常者皆盡高者亦墮合會有離生者有死
 衆生相刻以喪其命隨行所墮自受殃禍
 雖壽百歲亦死過去為老所逼病條至際
 是日已過命則隨滅如少水魚斯有何樂
 老則色衰所病自壞形敗腐朽命終其然
 是身何用恒漏臭處為病所困有老死患
 非有子恃亦非父兄為死所迫無親可怙
 晝夜慢惰老不止姪有財不施不受佛言
 有此四蔽為自侵欺

三誠殺

爲仁不殺 常能攝身 是處不死 所適無患
不殺爲仁 慎言守心 是處不死 所適無患
彼亂已整 守以慈仁 見怒能忍 是爲梵行
至誠安徐 口無麤言 不瞋彼所 是爲梵行
垂拱無爲 不害眾生 無所憍憍 是爲梵行
常以慈哀 淨如佛教 知足知止 是度生死
普及賢美 哀加眾生 常行慈心 所適者安
晝夜念慈 心無尅伐 不害眾生 是行無仇
臥安寤安 不見惡夢 天護人愛 不毒不兵
水火不喪 在所得利 死升梵天 受樂自然

法苑珠林卷四十八

九

仁無亂志 慈最可行 愍傷眾生 此福無量

四誠意

惡言罵詈 憍陵蔑人 興起是行 疾怨茲生
遜言順辭 尊敬於人 棄結惡惡 疾怨自滅
夫士之生 斧在口中 所以斬身 由其惡言
爭爲少利 如掩失財 從彼致諍 令意向惡
心爲法本 心尊心使 中心念惡 罪苦自追
心爲法本 心尊心使 中心念善 福樂自隨
隨亂意行 拘愚入冥 自大無法 何解善言
隨正意行 開解清明 不爲嫉妬 敏達善言

愠於怨者 未常無怨 不愠自除 是道可宗
不好責彼 務自省身 如有知此 永滅無患

五誠邪

以真爲僞 以僞爲真 是爲邪見 不得真利
知真爲真 見僞知僞 是爲正見 必得真利
壁屋不密 天雨則漏 意不思正 邪法爲穿
壁屋善密 雨則不漏 攝慧惟正 邪匿不生
鄙夫染人 如近臭物 漸悉習非 不覺成惡
賢夫染人 如近香熏 進智習善 行成皎潔
正念常興 邪法自滅 自制正法 善名日增

法苑珠林卷四十八

十

當思念道 強守正行 健者得度 吉祥無上
尅已調心 行不放逸 施戒忍勤 定慧恒明
生不爲惱 死而不感 禍福路分 升沈殊趣

六誠愚

愚著生死 莫知正法 愚矇無智 如居暗室
觸事皆馳 寒暑不辨 雖久修習 猶不知法
雖復施行 爲身招患 快心作惡 自致重殃
愚所望處 不謂適苦 臨墮厄地 乃知不善
愚蠢作惡 不能自解 殃迫自焚 罪成熾然
愚人樂寢 憂感長興 昏昏暗室 如蠶處甕

愚人樂惡 至死不休 雖與善言 反謂怨讎
 罪猶未熟 愚將為觀 至其熟時 自受大殃
 愚好財色 晝夜無狀 如焦谷山 注水不盈
 愚多造過 觸處被瞋 雖加杖捶 猶不自止
 七誠惡

深觀善惡 心知畏忌 畏而不犯 終吉無憂
 故世有福 今思紹行 善致其願 福祿轉勝
 信善作福 積善不欺 信知陰德 久而必彰
 喜法臥安 心悅意清 聖人演法 惠常樂形
 賢人智者 齋戒奉道 如星中月 照明世間

法苑珠林卷四十八

十一

弓師調角 水人調船 工匠調木 智者調身
 譬如厚石 風不能移 智者意重 毀譽不傾
 譬如深泉 澄靜清明 慧人聞道 心淨欣然
 斷除五陰 靜思智慧 能自拯濟 顯理還真
 抑制情欲 志樂無為 攬受正教 冀法常存

八誠縛

去離憂患 脫於一切 縛結已解 逍散自安
 心淨得念 無所貪樂 已度枯涸 如鴈棄池
 量腹而食 無所積藏 虛心無想 遠近無礙
 度身而衣 不求餘長 省事無為 無所羈絆

制想從正 如馬調御 捨橋棄慢 為天所敬
 不怒如地 不動如山 真人無垢 生死世網
 心以休息 言行亦止 從正解脫 寂然歸滅
 棄惡無著 破壞三界 情色永絕 是謂上智
 在聚若野 處染不染 應真所歎 莫不蒙祐
 常樂空閑 家人不逮 快哉上士 天人欽仰
 九誠誦

法苑珠林卷四十八

十二

雖誦千言 不敬何益 不如一行 欣榮奉修
 雖誦千言 我心不滅 不如一句 捨橋放逸
 雖誦千言 求名逾著 不如一說 棄執離著
 雖誦千言 不欲除罪 不如一文 去離生死
 雖誦千言 色情逾固 不如一解 心境忘懷
 雖誦千言 不求出世 不如一悟 絕離三界
 雖誦千言 不存悲智 不如一聽 自他兩利
 十誠行

人壽百歲 慳貪逾盛 不如一日 割捨財色
 人壽百歲 樂不持戒 不如一日 淨心守戒

人壽百歲 多忿不忍 不如一日 含喜不眠
 人壽百歲 怠惰不勤 不如一日 策勵身心
 人壽百歲 情欣放逸 不如一日 歸心空寂
 人壽百歲 昏暗識心 不如一日 洞悟無明
 人壽百歲 拙御身心 不如一日 巧便運致
 人壽百歲 常懷怯弱 不如一日 勇猛慧力
 人壽百歲 不起善願 不如一日 發行四宏
 人壽百歲 不生一智 不如一日 慧性聰利
 十一誠口

雜阿含經諸天說偈云

法苑珠林卷四十八

三

士夫生世間 斧在口中生 還自斬其身
 斯由其惡言 應毀便稱譽 應譽而更毀
 其罪口中生 死則墮惡道

頌曰

建志誠心愚 高慕欣朋儔 相與立宏誓
 捨俗慕閑丘 蕭散人物外 晃朗免綢繆
 寂寂求誠真 齋齋勵心柔 警策修三業
 激切澄四流 興心願宏誓 救溺運慈舟
 嘉期歸妙覺 善會涅槃修 存心入正道
 立志三祇休

感應緣略引

晉沙門釋支遁

周沙門釋亡名

周沙門釋道安

齊沙門釋僧範

晉剡沃洲山有支遁字道林本姓關氏陳留人或云
 河東林慮人幼有神理聰明秀徹晉王羲之親遇才
 藻驚絕罕儔遂披衿解帶留連不能已仍請住靈嘉
 寺意存相近又投迹剡山於沃州小嶺立寺行道僧
 眾百餘常隨稟學時或有情者遁乃著座右銘以勗

法苑珠林卷四十八

十四

之曰勤之勤之至道非孜孜為淹滯弱喪神奇茫茫
 三界眇眇長羈煩勞外溱冥心內馳殉赴欽渴纏邈
 忘疲人生一世涓若露垂我身非我云云誰施達人
 懷德知安必危寂寥清舉潔累禪池謹守明禁雅說
 元規緩心神道抗志無為寮朗三蔽融治六疵空洞
 五陰虛豁四支非指喻指絕而莫離妙覺既陳又元
 其知宛轉平任與物推移過此以往勿思勿議
 周渭濱沙門亡名法師自誠云夫以迴天倒日之力
 一旦草彫岱山磐石之固忽焉燼滅定知世相無常
 浮生虛偽譬如朝露其停幾何大丈夫生當降魔死

當侗虎如其不爾徒生何益不如修禪定足以養志
讀誦經足以自娛富貴名譽徒勞人耳乃棄其簪弁
剃其鬚髮衣衲杖錫聽講談(元)戰國末(寧)安身無地
自狀形骸甚於桎梏思絕苦本莫知其津大乘經曰
如說行者乃名是聖不但口之所言小乘偈曰

能行說為正 不行何所說 若說不能行
不名為智者

所以顏回好學勤改前非季路未修懼聞後語功勞
智授役神傷命為道日損何用多知誓欲枯木其形
死灰其慮降此患累以求虛寂乃作絕學箴亦名息

法苑珠林卷四十八

十五

心贊擬夫周廟其銘曰法界內有如意寶人焉久滅
其口銘其膺曰古之攝心人也誠之哉誠之哉無多
慮無多知多知多事不如息意多慮多失不如守一
慮多志散知多心亂心亂生惱志散妨道勿謂何傷
其苦悠長勿言何畏其禍鼎沸滴水不停四海將盈
纖塵不拂五岳將成防末在本雖小不輕爾爾七竅
閉爾六情莫窺於色莫聽於聲聞聲者聾見色者盲
一文一藝空中小蚋一伎一能日下孤燈英賢才藝
是為愚弊捨棄淳樸耽溺淫麗識馬易奔心猿難制
神既勞役形必損弊邪逕終迷修途永泥英賢才能

是曰憍憍誇拙美巧其德不宏名厚行薄其高速崩
塗舒翰卷其用不恒內懷懦怯外致怨憎或談於口
或書於手邀人令譽亦孔之醜凡謂之吉聖以之咎
賞悅暫時悲憂長久畏影畏迹逾逾走趨劇端坐樹陰
迹滅影沈狀生患者隨思隨造心想若滅生死長絕
不死不生無相無名一道虛寂萬物齊平何勝何劣
何重何輕何賤何尊何貴何榮澄天愧淨曠日慚明
安夫岱岳固彼金城敬貽賢哲斯道利貞

周京師大中興寺釋道安姓姚氏馮翊故城人識悟
(元)理早附法門神氣高朗挾操清遠乃作遺誡九章

法苑珠林卷四十八

十六

以訓門人其辭曰敬謝諸弟子等夫出家為道至重
至難不可自輕不可自易所謂重者荷道佩德繁仁
負義奉持淨戒死而後已所謂難者絕世離俗永割
親愛迴情易性不同於眾行人所不能行割人所不
能割忍苦受辱捐棄軀命謂之難者名曰道人道人
者導人也行必可履言必可法被服出家動為法則
不貪不諍不讒不匿學問高遠志在(元)默是為名稱
參位三尊出賢入聖滌除精魂故得君王不望其報
父母不望其力普天之人莫不歸攝捐妻滅養供奉
衣食屈身俯仰不辭勞恨者以其志行清潔通於神

明懷怕虛白可竒可貴自獲荒流道法遂替新學之人未體法則棄正著邪忘其真實以小點爲智以小恭爲足飽食終日無所用心退自推觀良亦可悲計今出家或有年歲經業未通文字不決徒喪一世無所成名如此之事不可深思無常之限非旦即夕三塗苦痛無強無弱師徒義深故以申示有情之流可爲永誡其一卿已出家永違所生刺髮毀容法服加形辭親之日上下涕零割愛崇道意凌太清當遵此志經道修明如何無心故存色聲悠悠竟日經業不成德行日損穢積遂盈師友慚恥凡俗所輕如是出

法苑珠林卷四十八

十七

家徒自辱名今故誨勵宜當專精其二卿已出家棄俗辭君應自誨勵志果清雲財色不顧與世不羣金玉不貴惟道爲珍約已守節甘苦樂貧進德自度又能度人如何改操趨走風塵坐不暖席馳務東西劇如徭役縣官所牽經道不通戒德不全朋友嘯弄同學棄捐如是出家徒喪天年今故誨勵宜各自憐其三卿已出家永辭宗族無親無踈清淨無欲吉則不歡凶則不哭超然縱容豁然離俗志存元妙軌眞守樸得度廣濟普蒙福祿如何無心仍著染觸空諍長短鉢兩斗斛與世諍利何異僮僕經道不明德行不

足如是出家徒自毀辱今故誨示宜自洗浴其四卿已出家號曰道人父母不敬君帝不臣普天同奉事之如神稽首致敬不計富貧尙其清修自利人滅割之重一米七斤如何怠慢不能報恩倚縱遊逸身意虛煩無戒食施死入泰山燒鐵爲食融銅灌咽如斯之痛法句所陳今故誨約宜自改新其五卿已出家號曰息心穢雜不著唯道是欽志參清潔如玉如冰當修經戒以濟精神眾生蒙祐并度所親如何無心隨俗浮沈縱其四大恣其五根道德遂淺世事更深如是出家與世同塵今故誡約幸自開神其六卿

法苑珠林卷四十八

十八

已出家捐世形驅當務竭情泥洹合符如何擾動不樂閑居經道損耗世事有餘清白不履反入泥塗過影之命或在須臾地獄之痛難可具書今故誡勵宜崇典謨其七卿已出家不可自寬形雖鄙陋使行可觀衣服雖麤坐起令端飲食雖踈出言可餐夏則忍熱冬則忍寒能自守節不飲盜泉不肖之供足不妄前久處私室如臨至尊學雖不多可齊上賢如是出家足報二親宗族知識一切蒙恩今故誡汝宜各自敦其八卿已出家性有昏明學無多少要在修精上士坐禪中士誦經下士堪能塔寺經營豈可終日一

無所成立身無聞可謂徒生今故誨汝宜自端情九
日卿已出家永遠二親道法革性俗服離身辭親之
日乍悲乍欣邈爾絕俗超故埃塵當修經道制已履
真如何無心更染俗因經道已薄行無毛分言非可
貴德非可珍師友致累恚恨日殷如是出家損法辱
身思之念之好自將身

齊鄴東大覺寺釋僧範姓李平鄉人也戒德清高守
禁無虧嘗宿他寺意欲聞戒至於十五日說戒之夜
眾議共停說戒乃爲法集有留升座將欲豎義敘云
豎論法相深會聖言布薩常聞擊難爲勝忽見一神

法苑珠林卷四十八

十九

形高丈餘貌甚雄峻壅聳驚人來列座前問豎義者
今是何日荅曰是布薩日神卽以手搦之曳之下座
委頓垂死次問上座問荅同前搦還將死陵害二三
上座已神還掉臂而出當時道俗共覩非一範師旣
見斯異乃自勤力兼策大眾至於一生無敢說欲縱
有病重不堪勝輩請僧就病人所恭敬說戒闔境僧
尼承斯徵誠至布薩日亦不虧法右四誠出
梁高僧傳

法苑珠林卷第四十八

音釋

榮穿榮戶肩切絕小水 壺無匪切不殉松閭切以
暫弁也穿疾郭切坑也 斃斃之意 搨斃切搨手打也

法苑珠林卷四十八

二十

法苑珠林卷第四十九

唐西明寺沙門釋道世撰

忠孝篇第四十九

此部五部

述意部

引證部

太子部

昧子部

業因部

述意部第一

竊聞孝誠忠敬高柴董黯之賢反慢尊親罪過王寄之逆是以木非親母供則響溢千齡凡非聖僧敬則光逾萬代理應傾心頂戴獲福無邊何得起慢高心反生輕侮也所以立身行道揚名於後代終身盡者

法苑珠林卷四十九

一一

寔建國之前美故念子路見於孔丘曰由侍二親之時常食藜藿之食爲親負米百里之外親沒之後南遊於楚從車百乘積粟萬鍾累茵而坐列鼎而食猶願食藜藿之食爲親負米不可復得每感斯言雖存若亡父母之恩云何可報慈深河海孝若涓塵永慕長號痛貫心首俗稱乳哺生我肉身一世之恩尙復難報況復如來大悲普洽等同一子拔除三塗得離四生長辭八苦永御三乘靜思恩重豈同凡俗內心崩潰如焚如灼情切於理痛甚刀割歷劫瞻敬長薦珍羞亦未能報須臾之恩故涅槃經云佛有一味大

慈悲愍念眾生如一子眾生不知佛能救毀謗如來及法僧

引證部第二

如末羅王經云人問世尊何等爲父母力佛言請受父母身體乳哺有養之恩或從地積珍寶上至二十八天悉以施人不如供養父母是爲父母力又增一阿含經云爾時世尊告諸比丘有二法與凡夫人得大功德成大果報一供養父母二供養一生補處菩薩施此二人獲大功德受大果報若復有人以父著左肩上以母著右肩至上至千萬歲衣被飯食牀榻臥

法苑珠林卷四十九

一一

具病瘦醫藥卽於肩上放屎尿溺猶不能得報恩當知父母恩重施肩之時將護不失時節供養孝順又地獄經云爲人弟子說師僧過者設師有實命終必入地獄噉其舌根若得好食美果等不與父母師僧先自食噉墮餓鬼中後生爲人貧窮若人含毒向師長入鐵鉢地獄後生毒蛇中若惡心學父母師長語入融銅地獄後生爲人寔吃又薩婆多論云佛破塔壞像不說他癩罪若說則破法身不問前比丘有罪無罪皆不得說又敬師經云一日三時應參師進止若參師來不見時應持土塊草木以爲記驗天時若

熱日別三時以扇扇師若有比丘於彼師所或和尙邊不生敬心導說長短於將來世別有一小地獄名為拒撲當經是中墮彼處已一身四頭身體俱焦於彼獄處復有諸蟲名曰鐵嘴常噉舌根若從他聞一四句偈於各干劫取彼和尙阿闍黎等荷擔肩上或時背負頂戴亦未能報也又毗曇論云若病人及與說法師近佛諸菩薩施者得大果報又六度集經云昔者菩薩身為鶴鳥生子有三時國大旱無以食之自裂腋下肉以濟其命三子疑曰斯肉氣味與母身氣相似無異得無吾母以身肉飼吾等乎三子愴然

法苑珠林卷四十九

三

有悲猛之情又曰寧殞吾命不損母體也於是閉口不食母親不食而更索焉天神歎曰母慈惠難喻子孝希有也諸天祐之願即從心佛告諸比丘鶴母者吾身是也三子者舍利弗目連阿難是也菩薩慈惠度無極行布施如是又四十二章經云佛言飯凡人百不如飯一善人飯善人千不如飯持五戒者一人飯持五戒者萬人不如飯一須陀洹飯須陀洹百萬不如飯一斯陀含飯斯陀含千萬人不如飯一阿那含飯阿那含一億人不如飯一阿羅漢飯阿羅漢十億人不如飯辟支佛一人飯辟支佛百億人不如

以三尊之教度其一世二親教親千億人不如飯一佛舉願求佛欲濟眾生也飯善人福最大深重凡人事天地鬼神不如孝其親矣二親最神也又雜寶藏經云昔過去久遠雪山之中有一鸚鵡父母都盲常取好果先奉父母當於爾時有一田主初種穀時而作願言所種之穀要與眾生而共噉食時鸚鵡子以彼田主先有施心常取其穀以供父母田主行穀見有蟲鳥摘穀穗處眼悲憫愴便設羅網捕得鸚鵡鸚鵡爾時語田主言田主先有好心布施故敢來取如何今者而見網捕田主問言取穀為誰鸚鵡荅言有

法苑珠林卷四十九

四

盲父母願以奉之田主語言自今以後常於此取勿生疑難畜生尚爾孝養父母豈況於人佛告比丘昔鸚鵡者今我身是時田主者舍利弗是盲父母者今我父母淨飯王摩耶夫人是由昔孝養今得成佛太子部第三

如報恩經云佛告阿難過去久遠無量無邊阿僧祇劫有佛出世號毗婆尸人涅槃後於像法中波羅奈國王名羅闍其王統領六十小國王有太子作小國王有一大臣名羅睺羅心生惡逆殺害大王并二太子王最小子作邊國王仁性調善天神敬愛生一大

子名須闈提年始七歲聰明慈孝王甚愛念時神語王羅睺大臣謀奪國位收殺父母并殺二兄軍馬不久當來殺王今可逃避王聞是語心驚毛豎仰而問曰卿是何人但聞其聲不見其形所宣實不即報王言我是大王守宮殿神以王福德正法治國不枉人民故先相告王宜速出哀禍不久正爾當至王聞是已即入宮中便自思惟欲投他國時向鄰國有其二道一道計行七日乃到一道計行十四日至王即尋辦七日糧食抱兒而去夫人隨後時去念念心意荒迷或誤著十四日道其路險難復無水草初發唯將

法苑珠林卷四十九

五

一人食糧而於今者三人供食數日糧盡前路猶遠王與夫人舉聲大哭怪哉苦哉我從生來未曾聞有如是苦惱何其今日身自受之窮厄並至舉身投地自悔言我等宿世作何惡行今受此禍思已大哭悶絕躡地復自思念不可三人併命此死宜殺夫人取肉活身并續子命念已拔刀欲殺夫人其子見王欲殺其母前捉王手問其因緣王即涕泣悲淚滿目微聲語子欲殺汝母取其血肉以續餘命若不殺者亦當自死我身亦爾今者死活竟何所在爲活子命欲殺汝母子白父言王若殺母我亦不食何處有子噉

於母肉既不噉肉子當俱死王今宜可殺子取肉濟父母命王聞子言即便問絕宛轉躡地而語子言子如吾目何處有人自挑目食吾寧喪命終不殺子噉其肉也子又語父言若斷子命肉則臭爛未得幾日唯願父母宜可日日就子身上割肉三斤分作三分二分奉父母一分自食以續身命父隨子言割肉三斤支命進路二日未到身肉轉盡骨節相連餘命未斷即便倒地父母見已尋前抱持舉聲大哭而作是言我等無狀橫噉汝肉使汝苦痛前路猶遠未達所在汝肉已盡今者併命聚屍一處子諫父言已噉子

法苑珠林卷四十九

六

肉進路至此計前里程餘一日在子身今者捨命在此仰願父母莫如凡人併命一處可於子身諸支節間悉割餘肉用濟父母可達所在父母隨言割得少肉分作三分一分與兒二分自食食已別去子起立往看父母去父母爾時舉聲大哭隨路而去父母去遠不見太子戀其父母目不暫捨良久躡地身體血出蚊蚋咬食楚毒苦痛不可復言餘命未斷發聲立誓願宿世殃惡從是除盡自今已往更不敢作今我身肉供養父母願我父母常得餘福臥安覺安不見惡夢天護人愛縣官盜賊陰謀消滅觸事吉祥餘身

血肉施此諸蟲皆使飽滿令我來世得成佛道施以法食除汝飢渴生死重病發是願時天地大動日無精光帝釋見已卽便化作餓子虎狼恐怖太子欲來搏噬太子語言汝欲噉我隨意取食何爲見怖釋卽語言我非餓子虎狼之屬是天帝釋故來試卿太子聞已歡喜無量釋問太子汝於今者難捨能捨能以身肉供養父母如是功德願作何等天人王梵王魔王耶太子荅言我不願此欲求佛道度脫一切天帝釋言佛道長遠久受勤苦然後乃成汝云何能受如是苦太子荅言假使熱鐵在我頂上終不以苦退

法苑珠林卷四十九

七

於佛道天帝釋言汝唯空言誰當信汝太子尋卽立誓願言若我欺誑天帝釋者令我生瘡始終莫合若不爾者令我平復血變爲乳太子誓已卽時身體平復如故血白爲乳身體形容端正倍常釋卽讚言若得佛道願先度我爾時父母到鄰國已向彼國王具說上事吾子孝養身肉供養其事如是鄰國聞已感其慈孝卽與兵眾遣還歸國往伐羅睺父將兵眾順道還過與子別處卽自念言吾子死矣當收身骨還歸本國舉聲悲哭隨路求覓遙見太子身體平復端正倍常卽前抱持悲喜交集語太子言兒今活耶爾

時太子具以上事向父母說父母歡喜共載大象還歸本國太子福德慈孝力故伐得本國國王卽立太子爲王佛告阿難爾時父者今現我父悅頭檀是爾時母者今現我母摩耶夫人是太子者今我身是時帝釋者今阿若憍陳如是

睽子部第四

如睽子經云過去世時迦夷國中有一長者無有兒子夫妻喪目心願入山求無上道修清淨志信樂空閑時有菩薩名一切妙見心作念言此人發意微妙眼無所見若入山者必遇枉害菩薩壽終願生長者

法苑珠林卷四十九

八

家名之爲睽至孝仁慈奉行十善晝夜精進奉事父母如人事天年過十歲睽子長跪白父母言本發大意欲入深山求志空寂無上正眞豈以子故而絕本願父母取語卽入山睽以家中財物皆施貧者便至山中以蒲爲屋施作牀縛不寒不熱恒得其宜人山一年眾果豐美食之皆甘泉水涌出清而且涼池華五色鳥獸音樂慈心相向無復害意睽至孝慈蹈地恐痛天神山神常作人形晝夜慰勞睽著鹿皮衣提瓶取水麋鹿眾鳥亦復往飲不相畏難時有迦夷國王入山射獵王見水邊羣鹿引弓射之箭誤中睽

宵賤被毒箭舉聲大呼言誰持一箭射殺三道人王聞人聲卽便下馬往到賤前賤謂王言象坐牙死犀坐角亡翠爲毛終麋鹿爲皮害我今無事正坐何等死耶王問賤言卿是何等人被鹿皮衣與禽獸無異賤言我是王國人與盲父母俱來學道二十餘年未曾爲虎狼毒蟲所見枉害今我爲王所射殺登爾之時山中暴風忽起吹折樹木百鳥悲鳴師子熊羆走獸之輩皆大號呼日無精光流泉爲竭眾華萎死雷電動地時盲父母驚起相謂曰賤行取水經久不還將無爲毒蟲所害禽獸號呼不如常時風起樹折必

法苑珠林卷四十九

九

有災異王時怖懼大白悔責我作無狀本欲射鹿箭誤相中射殺道人其罪甚重坐食小肉而受重殃我今一國珍寶之物宮殿伎女丘郭城邑以救子命時王便以手挽拔賤箭深不得出飛鳥走獸四面雲集號呼動山王益惶怖三百六十節節皆動賤語言非王之過自我宿罪所致我不惜身命但憐盲父母年既衰老兩目復盲一旦無我亦當終沒無瞻視者以是懊惱非爲毒痛王復重言我寧入泥犁百劫受罪使賤得活若子命終我不還國便任山中供養卿父母如卿在時勿以爲念諸天龍神皆當證知不

負此瞽賤聞王誓心喜悅豫唯死不恨以我父母即累大王供養道人現世罪滅得福無量王言卿語我父母處及卿未死使我知之賤卽指示從此步徑去此不遠自當見一草屋我父母在中王徐徐行勿令我父母怖懼以善權方便解悟其意爲我上謝無常今至當就後世不惜我命但念父母年老兩目復盲一旦無我無所依仰以是懊惱用自酷毒死自常分宿罪所致無得脫者今自懺悔願罪滅福生世世相值不相遠離願父母終保年壽勿有憂患天龍鬼神常隨護助災害消滅王領此言便將數人徑詣父母

法苑珠林卷四十九

十

所王去之後賤便奄絕鳥獸號呼遠賤屍上口叢留盲父母聞聲以益憎怖王行既疾觸動草木肅有人聲父母驚言此是何人非我子行王言我是迦夷國王問道人在山學道故來供養父母言大王善來勞屈威尊遠臨草野王體安不宮中夫人太子官屬國民皆安善不風雨和調五穀豐足鄰國不相侵害不王荅道人言蒙道人恩皆自平安王問訊盲父母言來在山中勞心勤苦樹木之間飛鳥走獸無侵害不山中寒暑隨時安不盲父母言蒙王厚恩常自安隱我有孝子名賤常與我取果麻泉水恒自豐饒山